

Corte a confirma

A prolonga detencion di Joran, Deepak y Satish pa 8 dia mas


ORANJESTAD (AAN)- For di Corte di Prome Instancia DIARIO a ricibi un fax caminda nan ta confirma e noticianan cu DIARIO a trece ayeramainta.

E comunicado ta bisa cu Corte di Prome Instancia ta informa pueblo y medionan di comunicacion di lo siguiente:

Juez Comisario a tuma den e caso di desaparicion di Natalee Holloway e siguiente decisionnan:

- E detencion provisional di Joran van der S., Deepak K. y Satish K., a wordo prolonga cu 8 dia mas, entrante Dialuna 27 di Juni 2005.

- E demanda di Ministerio Publico pa sigui detene Steve C. a wordo rechaza pa



falta di indicacion serio contra di Steve C;

- Den e caso di Paul van der S., e tata di Joran van der S., Juez Comisario a dicidi cu no tin indicacion fuerte di

culpabilidad pa e hechonan castigable di cual e ta wordo acusa y pesey a duna ordo pa pone den libertad di inmediato.